

欽定剿平三省邪匪方略

欽定剿平三省邪匪方略正編卷三百二十八

壬戌年

九月十一日

巳卯

陸有仁奏言連日據探報賊匪

靳士黃一股自經副將張瑗等剿敗後分股零

星奔竄一股竄至盤屋清水河經該處寨員督

率寨勇擊殺數名餘匪翻老林逃逸一股竄入

長坪現經副將多隆武帶兵搜剿又張逆餘匪

竄至小秦嶺經寨勇合力截擊賊卽向東奔逃

札克塔爾現在派兵追剿又苟七麻子零匪經
楊遇春等到處追截亡命逃竄由盤屋太平河
遁入岐山縣屬之三才峽老林格布舍楊芳等
分兵搜剿該處寨勇等復協力分投搜洗當不
致任其漏網又零匪一股約二十餘人竄至鄂
縣太平峪經通判雒昂督同典史金大典委員
王宗垣等率勇兜剿於半夜時乘賊熟睡一鼓

殲洗斃賊十六名生擒并投出共五名訊係已
死賊目王姓帶領業經剿除淨盡臣當將出力

寨勇優加獎賞并鼓勵維昂等務須益加奮勉
如果再有功績卽當奏懇

天恩獎拔又孝義同知徐洪懿稟報廳屬老林頭一
帶寨勇招出賊匪張崇德等十名訊明自願投
首冀得生路該同知已稟請釋放分別妥爲安

插又署平利縣知縣任至光稟報楚省零匪一
股竄至該縣白土嶺經穆克登布派兵截擊擒
賊二十餘名並擊獲賊目劉宗堯餘匪竄入老
林官兵寨勇分路兜截自斷不能闌入楚境經
畧額勒登保劄營寧陝兩河聞現擬酌留兵勇
交楊遇春等搜剿南山餘匪自卽赴平利一帶
督剿臣查南山餘匪數股其勢日益渙散現惟

數十爲羣分投逃竄以冀苟延旦夕山內官兵到處剿捕而寨勇隨地搜拏又每日俱有斬獲兵民聯爲一氣自不難尅日肅清所有各路糧餉臣督飭源源而供不敢稍有缺悞至裁撤鄉勇一事臣前已將大概情形具

奏茲復據道員朱勳副將王兆夢等稟報馳抵寧羌南鎮各邊卡又裁撤鄉勇一千五百八十餘

名其安貼情形與前無異足以仰慰

聖懷奏入

上命軍機大臣傳諭陸有仁曰靳士黃張逆及苟七
麻子股內零匪分投奔竄經扎克塔爾張瑗等各
路帶兵搜剿俱有斬獲所辦尙好陝省敗殘餘孽
不過數十爲羣亡命奔逃冀延殘喘無難尅日殲
除陸有仁務卽催飭各路領兵將弁上緊搜捕肅

清陝境爲要至糧餉一事前已降旨將河南存貯
及兩浙廣東等省奏銀一百萬兩解在陝省陸有
仁收到後除應歸甘省款項十七萬餘兩所餘正
多軍儲極爲充裕且經畧額勒登保業已分帶兵
勇赴平利一帶向東進發陝省供支更可搏節陸
有仁自當妥爲經理勿稍浮濫

十三日

辛巳

惠齡奏言據各路探差稟稱總兵李

應貴追剿苟朝九等零匪至觀音寨下該匪正
值起竄當卽分兵衝殺立斃賊匪三名拏獲矛
手一名杜廷選該匪遂由栗草溝竄去又會合
馬二餘匪三十餘人同奔葫蘆溝李應貴率兵
抄截黑暗中見該匪等紛紛偷摘包穀兵勇一
鼓競進殺斃數名生擒矛手一名楊國祥並奪
獲長矛六桿餘賊乘夜色昏暗遁入老林潛逸

又總兵楊芳所派軍功王明智等跟追前在長城根衝散之零匪九十餘人趕至東嶽寨地方正值該匪造飯兵勇悉力掩殺殲斃賊匪十餘人人生擒五名餘匪翻山逃逸王明智緊躡跟追沿途多有逃散趕過黑河溝腦祇剩賊匪二十餘人適遇楊芳奮兵突起與王明智等兩相夾擊又生擒九名將餘賊二十餘名殲戮淨盡共

計前後生擒活賊唐明揚等一十四名殺斃三十餘名俱割取耳記呈驗又前派搜山把總馬成名在天華山追及零匪三十餘人奮力撲殺斃賊四名生擒二名墜崖跌斃者二名亦經割取耳記呈驗又副將張瑛帶兵由狗子河佛爺坪一帶搜剿斬逆零匪百餘人追至小秦嶺溝鎗斃賊匪四名生擒賊目張應時一名餘匪四

散奔逃各寨勇集衆下山分投追殺該匪等情
急滾崖跌斃並洶河淹水者三十餘名張瓊現
仍分兵搜捕可期殄滅無遺又張二張三一股
零匪五六十人竄至餓思溝屯聚經前派駐防
紅草河之經歷朱點探確賊蹤率勇往剿斃
賊十二名並搶獲刀矛等二十三件該匪等卽
向溝口奔竄適遇駐防石羊關之守備沙武德

並駐防夾嶺之守備陳超等帶領兵勇在於溝
口直前迎擊立時殲斃賊匪五名並奪獲刀矛
等十餘件餘賊翻上大山匿入四岔老林此股
零匪祇剩四五十人現在楊遇春督同總兵李
應貴守備張必祿等帶兵入林搜緝不日自可
擒獲渠魁掃除淨盡再據督糧道素納稟報委
員從九品石煥文搜獲張二駝內賊目楊天柱

賊婦龍邵氏等二名楊天柱被獲之際畏罪自抹氣噪未斷隨即訊取供詞飛報前來又據孝義廳稟報委員周飛搜獲荷逆賊目黨祥送廳審訊該匪曾充當偽總兵供認不諱查該逆等均係從逆起事之人罪不容誅自應立正典刑以懲克頑當經批飭辦理又據潼商道吳沂稟報鎮安縣知縣胡彬並委員史映川搜獲荷逆

駭內餘匪鄭文溥余國祥二名訊供具報前來
查該二犯均係被脅入夥且各畏罪逃散自應
貸其一死以期餘黨聞風解散已飭令該道訊
明妥爲安插至楚省蒲添竇之逆已經恭贊德
楞泰逼剿逃散落崖自盡搜獲屍身查驗屬實
餘匪殲擒殆盡其竄入陝省平利境內零匪經
提督穆克登布總兵喜明等帶兵截擊殲斃二

十餘人生擒劉宗堯一名該匪折入老林有奔
回川境之勢又川省太平縣屬之羊耳壩等處
有零匪數十人亦係由楚省竄來逼近陝省紫
陽邊界經穆克登布派防邊界兵勇及辦寨委
員裘邦率領寨勇協力搜剿斃賊多名生擒六
名僅剩九人逃回川境查刻下楚匪經叅贊德
楞泰節次剿殺日就衰殘且經畧額勒登保又

已帶兵前往更無難迅就殄滅縱有零星餘孽
欲圖逃避入陝現有穆克登布喜明等數路官
兵隨時截殺亦不致令其闖入再查軍興以來
各營弁兵隨征出力者遇有缺出當經隨時拔
補特以該弁兵等奮勉巴結亟須加以優擢用
示鼓勵不暇分別省分以期人缺相當是以每
有陝省弁兵拔補甘省營缺者亦有甘省弁兵

拔補陝省營缺者參差不齊現在大功不日告
蕨各路官兵卽須遣回原營該弁目等以微末
營員得缺於數千里外距家寫遠遷徙爲難殊
不足以示體卹查向例原有人地不宜互相對
調之例嗣後各營千把外委等官應請查明各
就本省附近營分互相對調以昭體卹而免遷
移奏入

上命軍機大臣傳諭惠齡曰此次陝省零匪經楊遇春李應貴等分路搜剿均有斬獲而地方官亦幫同查拏現在餘匪等不過數十人或不及十人零星散竄形同鼠竊已不成爲賊股且於黑夜紛紛偷摘包穀可見已無糧食餬口此時陝省各路官兵爲數甚多以之搜剿二百餘零匪正應上緊剿捕總須於九月內一律辦淨轉瞬卽交冬令倘有

遲延又必致以近寒藉口惠齡當飭知楊遇春等
協力搜擒尅期蕝事彼時卽可用紅裏黃面之摺
馳報陝境肅清但陝省本境一經寧謐後其毘連
川楚邊界亦不可不嚴爲防堵雖川省竄匪業經
勒保將次辦淨卽楚省餘匪有額勒登保德楞泰
在彼督剿無難卽就廓清自不致再有竄入陝境
之事而惠齡尤不可稍存大意該省官兵朕原未

令其卽行全撤陝境零匪剿淨後應將征兵酌量
移於川楚交界地方實力堵截總之惠齡旣馳奏
紅裏黃面摺之後斷不容川楚零匪有一名闖入
俟川楚餘匪淨盡後陝省之防兵方可全撤也至
另片奏陝甘兩省營員軍興以來通融拔補現在
大功不日告蕪請於各營千把外委等員查明各
就本省附近營分互相對調等語所辦甚是此等

徵未員弁得缺於數千里之外距家遙遠遷徙爲
難自應酌量對調以示體卹也

十四日

壬午

額勒登保奏言連日雨勢未止山溪

處處漲發水深數尺人馬均不能淌渡直至二

十七日雨始稍止

臣

卽率扎克塔爾等帶領兵

勇翻山覓路由張九溝茨溝梁蓮花石一帶向

寧陝廳取道進發途次接據楊芳稟報上年二

月二十一日等日由田峪長城溝一帶探剿據
報有零匪數十人在附近老林逃匿楊芳派令
軍功王明智蒲子琴帶領鄉勇由東河進剿楊
芳帶兵從黑龍溝一帶抄截軍功王明智等於
二十三日五更冒雨趕至東嶽寨追及賊匪當
卽殲斃十餘名生擒五名餘匪遁匿箐林我軍
奮力入林追捕趕過黑龍溝適楊芳帶兵先已

趕到正在彼設伏以待見該匪竄至卽併力迎
擊生擒九名殺斃二十餘名餘匪只剩數人向
深林中亡命逃逸訊據獲犯唐鳴陽等十四名
供稱係與張芳等同路奔逃被官兵追趕緊急
頭目馬二掌櫃帶領我們五六十人分路奔逃
不料官兵冒雨追來被獲等語楊芳將該犯等
供詞及所殺賊匪耳記呈驗前來

臣 逐加查核

均係從逆日久之犯傷卽正法並將逃散零匪
選行搜捕盡淨又據通判維昂稟報探聞太平
峪內有零匪滋擾當卽率同寨堡委員王宗垣
等分領寨勇前往搜捕於十八日探得該匪等
在東西溝藏匿隨分派各勇乘夜四面圍剿該
匪等正在熟睡猝不及防當斃賊十六名生擒
罕貴等五名問據供稱此股係剿潰之賊只二

十一人係王掌櫃帶領已經殺死等語

臣當卽

酌加賞賚訖並據寧陝廳同知張約稟報委員郭利賓盤獲賊營自行逃出劉雙兒等五名石

泉縣李樞煥稟報委員張成基盤獲襄陽老教

王添成一名皆係在苟逆股內先後逃散均經

臣飭令分別安插正法辦理查刻下南山餘孽

日剽日少楊芳李應貴等帶領官兵分路搜剿

各地方寨勇亦隨地協同緝捕現又有楊遇春

督率趕辦自可速行全數殲盡卽就肅清

臣

連

日由石泉漢陰境內行走沿途查看該一帶皆

係久經寧謐之區刻下正當收穫之時百姓皆

在田乘時工作收成極爲豐稔民居房舍均已

修葺整齊惟各處堡寨因雨水過多間有坍塌

亦經地方官勸諭百姓自行補築足資保衛並

知臣 稜師赴楚大功卽日告成男婦老幼夾道

駢觀氣象恬熙臣 實深慶幸欣愉之至並據稜

克登布稟報前次在東西河剿散之賊尙分匿

老林穆克登布督率各兵勇分路搜捕經都司

王大伏守備柯連仲等帶兵在老林頂東西河

濫河勝等處殲斃賊匪四十二名生擒大小男

婦七十九名口內獲賊目一名劉宗遙並有該

處寨民協同搜獲大小男婦二十一名口又經
都司曾連光守備劉元老等帶勇在汝溪老林
殲斃賊匪七名生擒十四名又有零匪一股竄
至大小溝滋擾經副將銜閻俊烈帶兵趕往截
剿斃賊十一名該匪紛竄箐林閻俊烈趕至大
安溝腦老林又斃賊十八名生擒男婦九名口
餘匪百餘人翻越箐林奔入川境老鴉舖去陝

境已遠聞俊烈帶兵仍回螞蝗壩駐紮探剿現
在陝界肅清並無零匪並呈驗供單耳記前來

臣

逐加查核老林頂一帶搜獲之賊係前蒲逆

分股一二百人僞先鋒劉宗遙帶領本係剿滑
竄匪人數無多今已斬獲殆盡其聞俊烈在大
小溝一帶所剿係黃白藍三號竄合零匪由楚
竄來經此次剿殺之後所剩不過百餘人竄入

川境穆克登布已將獲犯劉宗遙王士奇等九
十四名均卽分別凌遲其新近被裹之趙字東
等二十九名釋放臣並令分差遠探楚界一

有零匪竄近卽督率兵勇迎剿掃除不得稍有

疎懈

臣

現已行抵興安因各兵勇均係久在老

林分剿必須查點整集並爲添補衣履擬暫住

一日辦理完妥卽由平白土關一帶趨行入楚

現接德楞泰來信知蒲添寶一股已經全數掃
除所餘皆係零星散竄之賊德楞泰已令長齡
赴東歸一帶督率鎮將自東向西兜剿德楞泰
督率勝兵由灣腰樹取道興巴一帶自西向東
南搜剿查刻下楚中現有德楞泰一路勁兵與
長齡等分路趕剿似此分股敗殘餘孽不難尅
期全淨但該匪等一經剿急勢必乘虛分竄西

北遁入二竹之大山老林冀延殘喘

臣

卽日率

師由二竹旋探旋進正可迎頭痛剿合力殲除

總期恪遵

聖諭與德楞泰協力和衷鼓勵官兵速行蕙事以冀
仰慰

聖慈盼捷殷懷再將軍興奎已於初一日在火地嶺

趕抵臣軍營同行二日所有陝省情形及刻下

防剿機宜已經臣詳細告知因寧沔一帶接連

川境現在各營上下正在歸集官兵裁撤鄉勇須

得大員統率臣已令興奎由石泉分路前往漢

中元壩子一帶督率總兵慶溥國興阿等嚴密

防剿以昭慎重俟楊遇春將山內肅清再行酌

量分段更替辦理

同日德楞泰奏言竊臣前將分兵自東南向西

北搜捕二竹零匪各路擒斬情形於八月二十四日具

奏後臣督率大隊自官渡河向西過其東竄之路

沿途逐日仍分派兵勇遍行搜查並無藏匿之

賊二十五日兵抵房縣之獅子巖吳熊光就近

來營會商全楚零匪情形並應辦善後事宜再

三商酌經畧額勒登保前已奏

旨令其督兵入楚諒不日亦移師前來臣等同心協

力將各股零匪趕緊搜剿大局即可會同裁定

其善後一切尙須熟爲籌計者再當和衷商推

惟期事事妥善方無後慮刻下臣一面竭力搜

捕多殺一賊卽去一害剿除一股卽少一累於

剿辦大局更爲妥速二十七日臣由先家坪前

進嗣據副將馬應國都司龍必達守備李輝林

陳佛等稟報自古坟坪搜剿零匪後由黑溪溝
馬鞍嶺黑溝至橫擔山老林詢據逃出難民黃
正昌稱有黃藍兩號零匪百餘人現在雲霧溪
說要走蒲溪河茅古坪過陝西去之語十八日
該員等帶領兵勇扮作教匪趕剿申刻至蒲溪
河追及其尾該逆遙見認爲同教卽有二三十
人前來會口追賊匪近前我兵刀矛並舉立殺

賊十餘名生擒江學等五名前賊見兵剿殺不
敢接應卽翻巖連夜奔逃官兵旋即跟蹤前追
二十八日據副都統銜富僧德叅將張應貴遊
擊劉彪涂陞都司高發榮等稟報由佛洞溝龍
坡嶺閭王鼻子牛心寨黃木坵馬鹿坪孫家嶺
冲天帳望天坪老木孔至木耳溝有零賊三十
餘人藏於溝底富僧德等將兵勇分爲兩路前

後被擊值賊匪正在房內喫飯兵勇突入殺賊
十八名生擒孫俸等七名訊據獲犯供係老白
流餘匪並無首逆頭目在內訊明均係老賊當
卽正法亦帶兵西追探剿又據叅將沈洪守備
黃廷相千總謝金章稟報二十日白竹山之老
莊子東坡龍王包紅坪一帶探剿均無零匪滋
擾遂由乾龍洞羊耳坪自北而西探得水田坪

南溪溝現有一股賊匪屯聚人數頗多有向椒子園東南奔竄之勢現在相機設法跟剿又據副將馬元守備高星文會大用周志林等稟報自老爺頂招風巖烏雀埡馬鬃嶺二十三日至蘭溪溝探得有川省截回一股賊匪七八百人馬騾百餘匹已由該處天星小寨乘夜偷渡尙未竄走馬元等商酌於是夜三更帶兵勇由寨

左山梁進攻黎明始抵該處賊衆業已起營時
早霧甚大卽乘勢趕追直至茅坪山脚追上賊
尾鎗擊矛戳立殺賊三十餘名生擒米良貴等
十一名我兵追下溝底詎溝內霧氣全無賊見
追兵不多竟敢回頭抵敵幸兵勇佔住山勢用
鳥鎗連環轟擊並推拋亂石滾打相持兩時之
久又斃賊十餘名賊卽敗走當訊獲犯供係熊

姓賊股原有七八百人在歸州被吉大人官兵
追到四川之巫山入石坪要走楊溪河撞着張
大人打敗折回湖北就翻銀條嶺走九湖出順
水溪一帶又有各號打散的聚有三百多人前
來合夥如今共有一千餘人大家商量要由大
寧過四川去等語訊明當卽斬訖遂撤回天星
寨一面分探各路官兵會合併力截剿一面設

卡防禦是夜三更後該逆率衆復來搶撲卡座
兵勇預防整齊迨其逼近鎗箭如雨斃賊三十
餘名賊始敗退兵勇乘勢出卡下壓擒獲袁維
新等四名未敢遠追賊遂連夜由遍檐菴走斑
竹園龍市坪向西北奔逃各等情臣查該逆取
竄之龍市坪與椒子園一路官兵不遠與富僧
德馬應國等兩路官兵相距亦均在百里內外

而沈洪等所稟水田坪南溪賊股卽馬元現

之賊茲該逆又與北來各路零匪歸併一起正

是極好機會可以聚而殲旃賊匪聚聚不過千

餘人臣以分派各路兵勇究竟單薄不能痛剿

是賊合而兵亦當合卽飭富僧德馬應國沈洪

張應貴劉彪冷陞等三路各帶兵勇與馬元等

合力尾追進剿臣遂督兵取道清池埡嗣探該

逆等於二十九日走應家溝南天門被馬元等
追剿其尾殺賊十餘名搶獲馬二匹騾一頭賊
衆遂翻山走長春壩梨子坪直向川境大寧之
雙橋子西逃先是臣恐各零匪被官兵搜捕情
急希圖入川已預爲飭知防堵邊界之副都統
達勒精阿武隆阿總兵張績並飛函勒保督飭
嚴堵在案該匪探知大寧徐家壩一帶官兵防

堵嚴緊不敢深入又北折竹溪南坪紅茶園老
林初一日屯於謝家坪其時各路官兵會合富
僧德馬元馬應國沈洪張應貴劉彪涂陞等趕
至紅茶園距賊只隔一重老林商酌乘夜帶兵
出其不意破其賊巢先行稟報等情臣查謝家
坪係老林中開墾之處地勢稍爲平坦有民房
數十間北有山路一條可以竄出四川之蕭家

坡巴豆園直走雞心嶺若東竄卽係巧山之向

家壩三層河公祖河白河口其西南係臣與富

僧德等趕追之路斷不敢折竄遂又飛飭達勒

精阿武隆阿等帶兵卽由徐家壩至蕭家坡探

蹤堵截其雞心嶺之路臣卽督同賽冲阿温

春色爾波馬瑜蒲尙佐侍衛慶昌協領穆騰額

明德總官富登阿蘇卿阿副將達自祥何君佐

叅將馬文斌王玉龍遊擊王登魁汪漢等率輕騎各裹三日口糧不帶鍋帳連夜兼程取道羅漢洞紅坪抄出天池埡白牛池白河口截其東竄初三日晚臣已趕抵羅漢洞計行已有一百四五十里時接富僧德馬應國馬元沈洪張應貴劉彪涂陞等稟報初二日三更時帶兵勇步行由紅茶園翻入老林五更哨探賊衆半在謝

家坪房屋住歇半在溝底支架窩棚均已睡熟
毫無雜儒遂分兵兩路富僧德馬應國沈洪張
應貴劉彪高發榮會大用周志林瞿心能謝金
章等帶兵勇由左邊上坡直下馬元涂陞龍必
達高星文陳偉黃廷相李輝林等帶兵勇由右
邊山梁直下兩面夾攻將房屋三四十間四面
圍住屋內賊匪甚多官兵卽齊聲吶喊併力殺

進刀砍矛戮逆衆於睡夢中驚起無不慌亂多有赤身奔逃者亦有持矛抵拒者官兵悉力殲戮立斃賊一百二十餘名生擒一百餘名搶獲馬騾七十餘匹刀矛旗幟衣物極多其有逃脫者復被兵勇分投趕殺又斃賊二三十名生擒二十餘名時已黎明其溝底窩棚內之賊聞官兵在謝家坪圍剿均不敢來接應盡皆亡命而

逃又經兵勇疾追翻越三重大山行走七八十里沿途又獲賊四五十名生擒廖澤元等三十餘名直至謝家壩天晚殘匪連夜東竄二層河擒獲老教偽帥張書漢熊翠之妻廖氏逆子熊朝貴偽元帥廖澤元大旗首唐開緒嚴鑑偽總兵董星堂劉正福姜宗秀割獲耳記二百二十一副及獲犯派員一併押解前來等情

臣查賊

匪由向家壩三層河東來必走白河口若由天
池堙白牛池正可兜頭迎剿上遂漏夜起營由

紅坪翻過棗樹嶺天池堙白牛池四重大山初

四日申刻趕抵白河口該逆由三層河公祖河

已過白河口向漢川嶺竄走官兵追及其尾立

斃賊五六十名生擒周其昌等八十餘名河內

又淹斃賊匪二三十名搶獲馬騾十三匹頭旗

五件刀子五十三件再查訊各賊均供賊匪內
係熊翠與老教偽帥張書漢二人爲首調度一
切其熊方青卽熊翠之叔素不管事張書漢與
徐添德等同時起事又屬兒女姻親連誅多日
實爲巨惡臣查楚境現在除熊翠熊方青餘匪
五六百人外尙有戴四等一股賊匪三四百人
頃接吳熊光來信該逆由南漳竄至穀城邊界

被寨勇截擊西通房縣之大木廠副都統銜托爾托保總兵孫清元並副都統銜富翰副將呢瑪善分投兜剿又據竹山營遊擊沈彪竹山縣候補知州范繼昌稟報該逆已由化口向黨浴河汪家河奔逃該處東通鄆縣之唐家坪北通陝西白河縣之孔石河西通竹山之吉陽關已飛飭各要隘兵勇並寨勇協力堵截等情

臣查

陝境界尙有穆克登布喜明等扼據堵截極爲
嚴密卽使該逆希圖入陝自能前後夾擊况額
勒登保此時諒已督兵南來正可迎剿一鼓掃

除或該逆折向南來

臣

就近探明亦可分兵剿

辦至於總兵吉林泰李天林等所追熊姓賊股

卽係

臣

現剿之賊該逆由歸巴而入巫山之八

石坪被川兵截回於現吉林泰李天林以賊既

竄川不便深入稟明前來查巴東山內麻線坪
一帶尙有不知姓名賊匪三四百名遁藏於彼
或係王國賢餘匪亦未可定臣卽飭該總兵等

帶兵順道剿辦現計全楚各起餘匪約共不過
二千人此外卽有百十爲羣數十結黨散藏山
中者諒亦無幾但其中多係各股漏網遊魂行
蹤詭譎忽分忽合連恃老林爲藏身之窟臣仰

體

皇仁每於臨陣令兵勇吶喊招撫偶有一二投出者
多係難民其老賊教匪從未見有投出之人又
嘗多繕剴切告示更無一人來投可見該逆等
罪孽深重卽網開三面亦不能逃現在搜捕捉
獲難民無不訊明妥爲省釋斷不肯殘忍良善
如遇老賊亦不敢姑息從事總期無枉無縱以

副我

皇上除暴安民至意所有熊翠熊方青餘匪現剩只
有五百餘人勢已狼狽由湖溪狂奔該處東北
則出竹山之官渡西南則係房縣之上龔九道
梁灣腰樹該逆窮蹙斷不敢北走勢必由灣腰
樹南竄興山巴東一帶老林苟延殘喘臣商令
賽冲阿併派副都統銜富僧德總兵蒲尙佐帶

前敵勁旅馬步兵勇二千餘員各跟蹤緊躡令其不予賊暇毋論竄往何處窮其所向以期乘

勢剪除淨盡

臣

督同溫春色爾滾馬瑜等亦帶

馬步兵勇二千餘員各繼進既可相機抄截熊翠熊方青餘匪如戴四賊股南來亦可隨時迎剿其餘各起零匪仍當察看情形賊分則兵亦分賊聚則兵亦聚臨事權衡辦理俟額勒登保

督兵前來兵威更加壯盛則分投逼搜諒此于
餘零匪無難計日掃除大功即可擬定也計此
次擒剿熊翠熊方青等敗聚賊股共殺賊二百
九十餘名共擒活賊二百三十七名搶獲馬騾
八十五匹頭大小旗四十七面火鎗五桿刀矛
三百五十六件訊出兩女生擒僞帥及大小頭
目張書漢廖澤元等四名均行髡割其老賊及

戰手周其昌等一百六十五名一概正法訊出
被脅男婦難民王澤富李黃氏等七十名口均
卽照例省釋其逆妻熊廖氏卽劉氏逆子熊朝
貴卽楊三兒均係被擄逼脅者亦均一併省釋遣
回原籍惟查有陝西涇州營都司黃鳳於初四
日翻過數重大山馬力疲乏復在天池壩趕追
賊匪至山頂偏巖騎馬失足滾跌下溝卽時斃

命又陣亡藍翎馬兵胡朝卿一名尙有陣亡受傷兵勇數名容俟另行咨部辦理奏入

上命軍機大臣傳諭額勒登保德楞泰曰此次德楞泰探知熊姓賊匪自川省截回沿途竄合各號打散餘匪共有一千餘人德楞泰派令鎮將等分路抄截並督同賽冲阿等帶兵繼進乘賊匪黑夜住歇時兩路夾攻緊躡賊蹤奮力追擊殲擒賊匪五

百餘名並生擒僞元帥及熊逆妻子大小頭目多名皆由德榜秦調度有方將士用命所致甚屬可嘉現在熊翠熊方青及戴四等股零匪統計不過二千人川陝邊界防堵俱極嚴密不能遠竄德榜秦統率各路官兵乘勝奮擊而額勒登保現已不日到楚以兩路大兵搜剿敗竄窮蹙之賊自無難尅日掃除務於九月內將楚境零匪一律剿淨額

勒登保德楞泰卽可與吳熊光聯銜用紅裏黃面
之摺由六百里加緊奏報大功戡定但必須楚匪
實在淨盡不可稍有草率亦不必因朕萬壽慶辰
在邇有心湊合倘熊翠熊方青戴四崔胡等逆內
或有一二犯隻身竄匿而大局實已肅清該犯等
本非著名極惡似此窮竄游魂斷不虞其漏網則
額勒登保德楞泰不必因犯未全獲稍稽提奏卽

熊翠等逆經官兵擒獲卽於該處正法祇須六百里馳奏其六百里加緊之報總於馳遞紅裏黃面奏摺時拜發至崔胡二逆本日德楞泰摺內未經敘明是否卽在戴四等股內遇便奏明又摺內稱招撫一事投出者多係難民其老教賊匪從未見有一人來投等語可見該逆等罪惡貫盈難逃誅極此時惟有乘兵威勝勢搜捕無遺方爲正辦竊

賊匪內果有來營乞命者原不妨于一縷生路
卽熊翠等五逆內果能悔罪投出亦不妨免其一
死輕者安插原籍重者予以發遣亦無容出示招
撫也朕盼捷之心刻難等待然功虧一簣之時斷
不可草率尤爲最要又據密勒勒登保奏陝省官兵
搜剿竄匪一摺其殺賊情形與惠齡昨奏相同陝
省零匪已有旨專交惠齡等督率搜捕密勒勒登保

惟當與德楞泰併力速辦其匪爲要至伊摺內稱
與德楞泰協恭和衷而德楞泰摺內亦稱與額勒
登保同心協力俱用硃筆圈出伊二人同此公忠
實堪嘉尚又據奏額勒登保移師赴楚經過地方
收成豐稔民居房舍俱已修葺整齊氣象恬熙等
語閱之殊深欣慰朕此次沐蘭行國風日晴和諧
事順利本日廻蹕駐兩門房適德楞泰遞到捷報

看此情形歲事喜音自必尅期踵至著先賞給額
勒登保白玉大吉葫蘆牌一塊碧玉帶鈎一個黃
辨松石豆大荷包一對珊瑚豆小荷包二個賞給
德楞泰白玉大吉葫蘆牌一塊白玉帶鈎一個黃
辨松石豆大荷包一對珊瑚豆小荷包二個爲成
功預兆統俟大功全竣後再行渥沛殊恩同膺上
賞又發去玉搬指十個瑤瑯翎管五個火鐮包五

個搬指套五個文竹鼻烟壺五個著德楞泰查明
賞給此次出力將弁又一兩重銀牌二百面五錢

重銀牌二百面著分賞出力兵勇以示獎勵其追
賊跌斃之都司黃鳳藍翎馬兵胡朝卿俱照陣亡

例咨部賜卹

額勒登保又奏言查陝省卽日肅清後邊界地
方酌留陝甘各標兵丁分段駐紮防剿儘足敷

用其別省兵丁俱從征已久自應先行量爲裁
撤以示體卹查有山西官兵一千五百餘員名
前經奏

聞凱撤在案茲將此項官兵內由別營新陞山西營
缺仍帶舊管兵丁並有經手承辦事件一時未
能交替之將備千總十二員名暫留軍營外其
餘將備張雲等十一員千把七十一員兵丁一

千四百餘名分爲三起由漢中起程全數撤回
原省已咨會撫臣陸有仁照例應付又查有廣
東老弱傷病兵丁四百餘名飭令副將伊昌阿
帶領由興安水路起程撤回又山東傷病兵丁
四十餘名飭令都司元九敘帶領撤回並現在
無兵管帶之四川維州協右營守備李廷賢雲
南開化鎮右營守備周純浙江金華協左營守

補王銳一併遣回以重營務而節費糧至各路
軍營先後裁撤鄉勇二千九百餘名並辦理情
形昨經 臣 附片奏

聞在案連日據副將王兆夢陝安道朱勳稟報由寧
羌一帶營卡赴總兵慶溥及永明防堵地方分
投查點該處共應撤鄉勇四千餘名內中本地
四川民人居多亦間有籍隸貴州湖南湖北山

西等省之人均經該副將等宣諭

皇仁加以慰勞收繳器械並將賞銀當面包封派員

照料陸續起程出陝省送回各原籍者已有二

千餘名合之臣前次具奏裁撤之三千九百餘

名共計可裁鄉勇將及七千餘名臣現在率師

入楚相距稍遠此後辦理情形已知會撫臣陸

有仁隨時查核具

秦仰慰

望懷奏入

上嘉之

德楞泰又奏言竊臣與吳熊光會晤時接據長

齡來信自保康蔣口前進痔瘡復發兼得痢症
力疾奔馳忽然吐血舊病又發連日精神難支
不能乘騎再四躊躇只得就近於南漳暫爲延

醫診治當此剿賊喫緊之際若不據實直陳懇
爲代奏則是辜

恩莫大其所統領馬步兵勇暫交副都統銜富翰副
將呢瑪善管帶隨同托爾托保孫清元分投剿
辦戴姓賊匪等情旋又接據孫清元等稟報相
同臣與吳熊光商酌長齡旣已患病不能騎馬
自應亟爲醫治以冀速痊當卽札覆令其靜心

調攝并飭托爾其保孫清元富翰呢瑪善等妥
爲管帶協力趕辦奏入報

聞

十五日癸未祥保溫承惠奏言竊臣等接奉經畧

額勒登保札開大功現屆垂成將

盛京吉林黑龍江三省官兵先行酌量凱撤

奏令臣等俟該官兵抵省點驗彈壓分起安爲照

料前進並將起程日期具

奏等因_臣等伏查東三省官兵破敵衝鋒征剿最

爲出力茲當凱捷回旗一切供頓自應倍臻周

妥當卽飭令省城地方官在於城外選擇寬敞

公所資其住宿嗣經各軍營及漢中一帶撤回

官兵陸續到省_臣祥保親詣公所點驗彈壓並

派委協領吉善額_臣起在彼常川照料_臣溫承

惠前往按起妥爲安頓均查照上年支應章程
督飭沿途地方官豫備官兵住宿處所及應須
車馬等項並派西安府同知陳文駿同州府知
府盛惇崇理事同知福倫副將倭星額署叅將
楊之震何毓龍等沿途護送照料復詳明撫臣
陸有仁咨會前途河南直隸一體飭屬備供在
案茲查前項官兵於九月初四日齊集西安

臣

等會同點驗計官三十員兵六百十三名共六百四十三員名公同酌商以

盛京官兵爲頭起吉林官兵爲二三起黑龍江官兵爲四起並將各帶隊管領人員按起派定每起均間二日行走該官兵應行找補鹽糧等項俱經逐一核查給發清楚又查照撫臣

奏明捐給每兵銀一兩五錢之數按名分給以資

稍整歸裝仰副

聖主體卹勁兵至意現在頭起官兵於本月初八日

自省城起程復飛飭沿途妥爲照料供支以期

迅速前進再

臣

等續奉經畧札知此次凱撤官

員內多有應行引

見人員令卽備送履歷清冊咨明兵部就近核辦

臣

等業經查明遵照辦理

祥保溫承惠又奏言查凱撤直隸官兵四百四十員名經撫臣陸有仁派員由漢中護送至省

臣

溫承惠派委署鳳翔府知府畢所密署遊擊

馬玉麟接護前往所有沿途照料供支先行飭

屬妥爲豫備茲據潼關廳稟報已於九月初四

日出境該官兵沿途行走甚爲安靜均奏入報

兩

欽定剿平三省邪匪方略正編卷三百二十九

壬戌年

九月十六日

甲

吳熊光奏言據探報德楞泰率

兵由房縣獅子崖行至上龕地方適遇熊二娃

一股零匪從歸巴山內竄至房屬南山茅坪水

田坪一帶德楞泰分兵三路兜截前進所有擊

剿情形連日未准德楞泰知會想德楞泰自必

隨時具奏其前竄歸巴一帶零股據報熊方青

及陳姓兩股因官兵躡剿緊急逸入川境現在
巴東平陽壩茶壩子等處尙有零星紛竄之匪
總兵吉林秦李天林分兵搜捕時有斬獲緣賊
勢散漫遇兵卽狂奔四逸未得痛加剿洗至戴
四一股前由房保竄及穀城邊界當經白水峪
卡首傅得祿等帶領義勇會同魚梁寨寨勇迎
截殺斃數十人追殺二十餘里賊匪洶河折竄

淹斃十餘人該匪卽晝夜西奔竄及二竹北界
東西綳等處總兵孫清元與副將呢瑪善分左
右兩路抄擊查該處與陝省洵陽白河接壤

臣

已嚴飭該鎮將等不分畛域上緊兜剿不得以
驅賊出境了事若聞陝省亦有兵勇堵截正可
相機夾擊

臣

伏查楚省自蒲添寶一股剿除後

已無大股賊衆惟敗殘零匪數百名一隊者尙

在奔逃延喘南路熊姓等股有德楞泰一路勝
兵并督率吉林泰李天林等分投剿辦當可卽
就廓清北路戴四股匪孫清元呢瑪善等已各
跟剿前進臣又接經畧額勒登保來信陝省善
後事宜已有就緒官兵復將要緊賊目張芳及
苟逆胞弟苟文齊殲獲餘匪卽可肅清額勒登
保已挑帶勝兵來楚督剿則不獨西北兩面聲

威盜壯實於各路剿捕大局可期迅速得手且
善後一切上亦得與額勒登保德楞泰會同熟
商以冀藏功完善臣因額勒登保有來楚之信
卽自房縣起身由竹山至竹谿迎晤以便面商
一切並將邊界情形親爲履勘沿途察看高下

民田稻穀已俱收穫所種園蔬雜糧亦甚芑茂
詢之百姓據稱二竹一帶夏間不致乏雨收成

約有七八分現在家有益藏民情甚爲寧貼足
以仰慰

聖懷奏人

上命軍機大臣傳諭吳熊光曰楚省熊逆股匪經川
省截回昨據德楞泰奏到賊擒五百餘人並將熊
逆妻子及大小賊目斬獲多名吳熊光發摺時想
尚未知悉現在額勒登保不日到楚吳德楞泰協

力搜捕定可將楚境零匪剋日掃除此時楚省又
添額勒登保一路勝兵大功將蕙糧餉供支尤關
緊要吳熊光務當分飭局員隨時運送源源接濟
倘所發帑項實有不敷不妨據實奏請勿存顧惜
小費之見至外省調派客兵應將較遠省分如雲
貴廣東廣西之兵先行撤回俾得早歸原伍以示

體恤

吳熊光又奏言接據巴東縣稟報該縣高巖寨
民蔡啟富因同寨民人牛隻被賊搶去該犯持
銀向賊贖回並與賊售買食物等情臣查附

近川陝百姓結寨居住固各保其身家亦可使
賊匪無處掠食官兵得以及時剿捕乃該犯蔡
啟富往來賊營爲之代買食物情罪重大更恐

或有勾結情事

臣

現飭該道卽就近提犯審訊

從重嚴辦俾各寨愚民咸知儆戒庶不致再有
圖利濟賊之事再臣接准經畧額勒登保及陝

省督撫臣知會陝省撤出鄉勇內籍隸楚省者
由二竹一路遞送回籍等因當經派委安襄鄖
荆道王正常會同署竹谿管遊擊敖世俊前赴
竹谿邊界按起點收嗣後准咨亦有由石泉水
路遞送至鄖陽者又委襄陽府知府張溶趕赴

鄖陽會同遊擊郭廷樞按起點收並飭該道等
查照額勒登保等

奏定章程按日給以口食錢文委員接替護送其
中隻身無業之徒卽飭於點收時查詢有願入
伍者酌量分撥各營給以名糧其有家可歸者
分飭各府州縣於該勇到籍後卽傳家屬保領
妥爲安置茲據該道等稟報自八月二十三日

起水陸兩路在陝省送回鄉勇四起均不過四
五人十數人一起並無大隊易於遞送當卽查
點該勇等多係有家可歸沿途旣得口食錢文
到籍又有銀兩賞給咸知感激歡欣途中俱爲
安靜再鄉勇中有籍隸湖南者除飭知沿途妥
爲接護外并知照撫臣高杞一體辦理奏入報

聞

十八日丙戌陸有仁奏言連日據探報南山內苟

七麻子股匪竄至寧陝南溝經楊遇春督率遊

擊祝廷彪等帶兵趕到斬獲數十名並殲斃賊

目張芳生擒苟七麻子當卽解送經畧大營審

明辦理又斬張等股零匪總在秦嶺一帶老林

時分時合旋折靡定一股百餘名竄至佛葉坪

小秦嶺一帶副將張瑗兵到殲斃賊匪四名生

擒賊目張應時賊卽四散逃遁復經寨勇等分
路追截賊匪滾崖跌死及淌渡淹斃者共計三
十餘名兵勇等現仍緊躡追剿又零匪一股竄
至鄆縣邊界之墨場地方經通判雒昂率勇追
截殲斃賊匪九名寨勇間有傷亡雒昂現仍探
蹤搜剿又零匪一股竄至寧陝固鬼溝經寨員
朱點率勇追剿殲斃十二名奪獲長矛二十三

件餘匪卽向高關峪一帶逃竄又寨員章成基
拿獲賊目一名王添成寨員周雅拿獲賊目一
名黨祥其餘寨員毛鳳衢易萬里呂煥文向淮
應先杰等均各擒獲賊匪一二三名不等俱經
就近請示經畧辦理又川省賊匪一股竄至西
鄉板橋子經兵勇合力堵禦仍卽折回川境又
楚省零匪百餘人竄入平利太平埡經穆克登

布等派兵截剿痛加殲戮擒獲餘匪奔竄老林
復經該縣任奎光率領寨勇截剿業已殲洗淨
盡又零股楚匪約二三百人竄至平利縣屬之
湖溪亦經穆克登布帶兵截擊擒斬四十餘名
餘匪亡命逃入川境經畧額勒登保現已分派
兵勇交楊遇春楊芳搜剿南山餘匪自卽挑帶
勁旅由興安一路前赴楚省督剿督臣惠齡稜

營潞峪分派兵勇入山協擊將軍興奎自石泉
與額勒登保會晤後現卽由漢中馳赴寧河一
帶督率防堵查此時南山餘匪爲數實已無多
有百十人爲一股者亦有數十人爲一股者楊
遇春楊芳素能用兵又熟悉南山路徑當不難
剋日翦除惟時賊匪零星散竄官兵尙須探蹤
追剿若寨堡則隨地皆有寨勇人等果能齊心

竭力到處搜捕自可助兵力之所不及

臣

現復

切札各路大員督率分段委員鼓勵寨勇一經

賊匪竄至立即奮力剿務使賊人無容身之

地以便官兵趕上悉數掃除並復加增賞格明

立勸懲總視殺賊之多寡作為獎賞之等差而

委員之功過亦即照此核定倘敢稍有懈弛卽

當嚴行叅

奏仍隨時札催楊遇春等設法趕緊剿辦以冀山
境早就肅清至平利一帶自經穆克登布帶兵
防守楚匪總未能闖入現在經畧既已入楚若
將穆克登布一併帶往東路未免空虛可否仍
留陝境防堵之處恭候

聖明訓示所有各路糧餉臣督飭源源運供不敢稍
有缺悞至寧寇臣鄭一鵬裁撤鄉勇自前次奏

報之後又經撤散二千餘人情形甚屬安貼再

臣
接奉

諭旨據給事中宋澍奏陝省北邊一帶素號窮邊自
賊匪滋擾漢中等處居民由漢南逃往延綏者不
下二三萬人等因欽此伏查陝省地方自西安府
屬之三原耀州以至鄜州延安綏德榆林各府
州屬皆稱北山榆林綏德二屬更在極北其地

與胥省及蒙古部落毗連土性荒寒產糧稀少
且山地半雜沙石不能墾種本處物產無多是
以素稱貧瘠歷來並無他處移往居住之人卽
自軍興至今亦實無此等遷移之戶至延安十
屬其定邊等七縣地土與綏德相同向無寄業
民戶內惟膚施甘泉宜川三縣尙有未開老山
又毗連甘泉之鄜州並所屬宜君中部洛川等

處未經墾闢之山地較多均有外省民人流寓
耕種以爲生計然亦向來已久並非始自近今
迨教匪滋事以來南山內客民間有因避賊擾
挈眷前往墾種謀生者亦有本係隻身在北山
開墾眷屬向住南山因避賊陸續搬往者大率
皆商州鎮安寧陝等屬寄居種地之外省人民
且俱係嘉慶二三年之事自四年以後搬往者

卽屬寥寥近則寨堡結成民知自衛更不肯爲
遷徙他鄉之舉至漢中一帶相距卽延二屬計
程幾及二千餘里臣自前歲冬間到漢駐劄並
未聞有遷往之人卽二三年間偶有客民或因
投親搬往爲數究屬無多統計移往北山實無
二三萬人之衆且經地方官隨時查察俱屬各
安生業並無不法滋事之徒亦無流離失所難

以有活之戶此臣節年來體察之實在情形也

今蒙

諭旨飭查復經諄切札詢該管道員楊護據稟與臣

所聞無異而藩司溫承惠本係由延綏道遞陞

於此一帶情形更爲熟悉現據稟覆亦與楊護

所稟相符似不敢稍有諱飾伏思此等遷居之

戶皆係外省客民其或在南山或在北山均屬

流寓今移居北山既久耕鑿相安卽與土著居民無異若派令差役到處稽查旣恐或滋擾累且查出後概令紛紛移動轉使客民舍已成之業而另謀餬口之方竊恐轉徙流亡不免有失所之慮似只須飭令地方官隨時撫馭其安分守業者務與本地民人共相輯睦勿存秦越之見間有不安本分之人亦卽就事示懲毋使爲

鄉隣之患現在賊匪將次肅清通省州縣均飭
行保甲之法一經查辦則此等新遷之戶不必
明露清查自可得其實在遷移之數倘其中有
並無生計者卽飭地方官妥爲安頓務俾各得
其所守業安居以仰副

聖主保赤安邊之至意至此一帶大員前以調辦軍

需本未常川在任臣抵任後因邊陲重地不可

久無木仕大員當於延榆綏道楊護延安府知
府洪蕙經手事件一完卽札令各回本任並飭
將地方應辦要件隨時據實稟聞今已年餘該
道楊護於本屬一切風土民情屢經稟報甚爲
詳盡現仍飭其到處周歷巡查留心整頓其知
府洪蕙在任已十有餘年地方情形最爲熟悉
均屬得力可靠之員惟榆林府知府樊士鋒於

未經

奏補之先卽代理漢中府事經手緊要軍需已經
數載並未到過本任現署榆林府知府係邠州
直隸州莊圻到任已經兩載率屬安民尙爲妥
協於吏治似無廢弛奏入

上命軍機大臣傳諭額勒登保惠齡陸有仁曰據陸
有仁奏現在南山餘匪不過百十人及數十人爲

一股日益窮蹙已屢經降旨諭令惠齡楊遇春等
迅速辦理至所稱現在經畧入楚若將穆克登布
帶往東路未免空虛可否仍留穆克登布在陝防
堵等語楚省零股賊匪前經德楞泰一人在彼剿
辦尙不肯任其竄陝今又有額勒登保帶同扎克
塔爾從平利一帶入楚卽使楚境零匪經德楞泰
追剿緊急欲思竄入陝境額勒登保一路大兵向

東進發正可迎頭截剿且該處尙有喜明防堵自
不虞其闖入但楚陝交界地方山徑叢雜或有一
二零星散匪乘間西竄亦不可不加意防堵現在
穆克登布如尙未赴楚卽著額勒登保飭令仍留
平利一帶督率防堵若業已赴楚不必回陝著惠
齡會同楊遇春於得力鎮將內酌派一員前赴平
利一帶幫同喜明認真嚴防更爲妥協又覆奏北

山一帶寧謐情形一節與惠齡前奏相同北山流寓客民在彼既屬相安原不必按戶稽查令其遷徙轉致失所現在陸有仁責令州縣通行保甲之法自可暗爲查察惟當飭知地方官妥協辦理勿任胥役藉此需索擾累爲要

十九日丁亥勒保奏言竊臣連日督勵官兵嚴防

川楚邊界並分催各鎮將將新由楚省竄來分

股各匪趕緊剿捕茲據總兵張績稟報初五日
探得巴巫交界地方有賊一股約二百餘人竄
近常家巖一帶張績當派叅將傅廷佐遊擊門
繼春畢萬年都司傅廷標守備鍾廷孝等分帶
兵勇前往探剿張績帶兵在三塊石扼要之處
顧仕大昌通城各要路是日傅廷佐等兵抵朝
陽觀探明該匪尙在常家巖屯聚相距不遠傅

廷佐等恐賊匪驚逸卽將官兵在朝陽觀暫息
俟三更後乘賊不備分兵抄截傅廷佐畢萬年
分帶官兵由龍碕一路山溝潛進門繼春傅廷
標鍾廷孝分帶官兵由天池掛帶岩一路翻山
進發黎明俱抵賊屯處所該匪一見官兵猶敢
恃險抗拒我兵奮勇爭先兩面夾擊鎗箭各發
立斃賊七十餘名賊匪不能抵禦紛紛潰散

岩跌斃三四十名我兵乘勝追殺生擒大小男
婦五十一名奪獲賊旗三桿長矛八十二件鳥
鎗四桿牛馬十三頭匹餘匪尙剩三四十名四
散奔竄無蹤傅廷佐等帶犯回營張績查訊係
黃號王國賢餘黨內有偽元帥蔣登榮爲先鋒
靡之朝與餘犯一併解交巫山縣臣將該犯等
提案訊鞫據蔣登榮供我係新寧縣人於嘉慶

二年被黃號元帥余世仁裹脅入夥先充牙手
探馬頭繼當先鋒後來余世仁死了我跟王國
賢一路王國賢封我爲元帥今年四月間王國
賢與樊人傑曾芝秀帶有二三千人往茅嶺官
渡河去了我與總兵孫大駿帶領二百多人分
路竄去六七等月連被官兵追殺孫大駿帶了
十四個人逃走不知去向我因躲避大兵總在

巴東王家漕三溪河一帶藏匿不想被官兵尋
來將衆人殺散我被拿住等語臣訊明後當將

該犯與僞先鋒龐之朝戰手梁定萬等三十四

名分別凌遲正法其餘沈泳林蕭袁氏等十七

名口訊係甫經被擄之人遞籍釋放仍飭張績

等帶兵在巫山邊界嚴密防堵又前竄雲開梁

萬一路之賊

臣

派令叅將桂涵與遊擊程元龍

都司周士貴等帶兵分路剿辦該匪被兵追急
卽四散分竄每數十人爲一起沿途掠食九月
初四日程元龍等兵至梁山經該縣知會有賊
二十餘人在大行梁山交界之芝蔴坪母猪寨
一帶滋擾程元龍與周士貴等帶兵乘夜潛往
賊匪正在空房藏匿官兵將賊圍住殺斃十一
名生擒十二名查係剿散零匪並無賊首在內

程元龍將所獲賊匪解交梁山縣卽日帶兵向鹽亭口進發又探得沙坪塘埡口一路有餘匪三十餘人在彼潛匿程元龍卽與周士貴連夜分帶兵勇兩路抄襲賊匪在山坻草房內歇宿官兵四面圍住該匪亡命衝出思欲奪路奔逸矛傷兵勇數名我兵併力向前殺斃賊匪四名餘匪三十一名均全數擒獲訊據活賊歐思俸

等供稱此股賊匪係白號餘黨前被官兵衝散
有賊目羅千總姜先鋒二人帶了我們一二百
人逃往湖北近日從大寧竄回川境沿途因聽
得有官兵追剿都大家分起散竄我們三四十
人白日在箐林內躲避夜來出尋些糧食充飢
昨夜走到塘堰口因天氣陰雨在空屋內紮住
不料官兵前來圍住羅千總姜先鋒衝出奪路

被兵殺斃我們人少不能抵拒都被拿住那羅
千總混名叫做羅半年是劉湖選股內的餘黨
等語程元龍割取羅姜二逆首級與獲犯一併
交梁山轉解來營臣親加查訊無異所擒各犯
均係積年戰手概行正法其桂涵一路官兵前
在扇子山將青黃二號零匪一起辦竣後移兵
開縣臨江市探得該境有零賊十餘人藏在芭

蕉溝空房內桂涵乘夜帶兵潛往殺斃五名生擒九名內有偽總兵龐泳太一名訊係白號張思從股內餘匪前被官兵剿散只剩十四人全被擒拿等語臣亦提犯到營訊明正法再豐紳帶兵來夔途次大竹袁壩驛據附近三眼峒民報稱嗣後山脚有零賊二三十人在彼掠食豐紳當派遊擊鄔海慶守備葛天培酌帶兵勇前

往搜捕官兵至彼賊匪聞信四散鄔海慶等督
兵分投追捕殺賊八名生擒十名查訊卽係羅
半年股內散出餘匪豐紳卽就近審理臣伏查

近日川省賊匪情形所有數名數十名之零匪
業已殲除殆盡維新近由楚陝竄入各起之賊
昨經叅將桂涵在高陽地方殲除蒲逆餘黨一

股又雲陽縣知縣梁敦懷招撫張長青一股此

時尙有藍白二號一起由開新營渠一帶亡命

奔竄經臣派令副都統銜達斯呼爾岱副將羅

聲臯遊擊羅思舉三路分兵追剿該匪晝夜狂奔官兵僅於營山途次斬獲落後賊匪四五十

名餘匪尙有四百餘名現由巴州向蒼溪竄去

達斯呼爾岱羅聲臯羅思舉等均帶兵緊躡前

往賊少兵多計日內當已得有勝仗臣相距較

遠尙未得其信息其由陝竄入川北之苻逆餘
匪一起二百餘人疊經田朝貴在巴山林內跟
蹤追擊近日已經轟出老林向通江竄走田朝
貴帶兵跟追該匪人數無多既出老林亦無難
卽時殲淨至大寧一帶前此有楚境竄匪二起
先後闖入新田壩金竹坪等處適達勒精阿武
隆阿一路官兵經叅贊德楞泰飭令回川臣因

大寧邊界空虛一面酌留達勒精阿武隆阿分
兵防堵一面在其隊內抽出副將鄭啟貴分帶
官兵先向新田壩一路往剿昨初六日豐紳帶
大抵獲臣囑令即日帶領原兵前赴大寧徐家
壩雞心嶺一帶駐紮防堵騰出達勒精阿武隆
阿二人之兵卽令赴金竹坪一帶與鄭啟貴分
路探賊剿辦猶恐達勒精阿武隆阿等移兵追

剿賊匪去後豐紳兵力稍單臣復於夔府防兵

內挑撥五百名派遊擊晉之連帶領歸入豐紳

隊內隨同防堵並諄囑豐紳務期將大寧邊界

嚴密顧住勿任楚匪再有闖入其先經竄入各

起賊匪現在均已**有兵追剿一經辦完川境卽**

可肅清至楚省賊匪昨聞德楞泰分兵追剿有

賊匪一起千餘人由二竹邊界竄近大寧因川

省有兵堵剿卽向楚陝交界竄去

臣

恐該匪被

陝兵截回復又竄川已飛札豐紳就近探明如

該匪果有入川之勢卽在雞心嶺一帶扼要迎

截亦可有備無患再

臣

前此密奉

聖諭以川東川北有一種棍徒開設堂子搶掠婦女

用船載往湖北販賣令

臣

嚴密查訪

臣

接奉

諭旨後當將查辦情形奏蒙

聖鑒在案維時臣一面出示查禁一面通飭地方文

武嚴密緝拿隨據陞任夔州府知府方積稟有

涪州民人廖固棟等收買婦女載赴楚省嫁賣

經夔關兵役盤獲解案又據涪州知州李忻訪

聞州民張金屏何濟川等有收販婦女之事查

拿到案錄供稟報臣當卽提犯到夔飭委候補

道鄭成基會同方積及該州李忻提集各犯併

案審訊緣廖固棟張金屏何濟川均籍隸涪州
並無恒業廖固棟何濟川住居李渡鎮張金屏
住居清溪場連年川省教匪滋事百姓被賊擾
害無父無夫之婦女甚多價值廉賤該犯等起
意興販圖利廖固棟邀約隣人邵忠恕劉大舉
蔣五十樊超海四人在附近四鄉用錢收買婦
女本年四五等月共收買陳王氏陶張氏陶關

氏苟劉氏陶女李女楊女王女李女劉姑黃姑
等十一名每口用價錢自二三千至十餘千不
等內陶張氏陳王氏陶女李女四口賣給過客
陳家彬李能成王玉文等或爲妻媳或爲使女
共得錢五十九千分用尙存苟劉氏陶關氏劉
姑黃姑楊女李女王女七口未賣六月間廖固
棟聞該州差訪查拿商同邵忠恕等雇船戶楊

進船隻將苟劉氏等帶赴湖廣轉賣行抵夔關
經兵役盤獲解送夔州府訊供稟報至張金屏
亦於本年三四月間起意與販邀同素識之何
萬榮鄒老五蔣班兒劉朝聚劉朝卿彭正朝六
人分往四鄉收買許以獲利分用何萬榮等九
從隨即附近各處收買郭劉氏郭女王氏黃蔡
氏楊女楊王氏陳姑賀姑劉姑等九口每口用

價錢六七千十餘千不等嗣將郭劉氏賣給過客陳大順爲妾郭女賣給陳大順爲使女王氏賣給過客吳開周爲妻共得錢三十千文分用尙存楊王氏等六口未賣因聞該州飭差訪拿張金屏遂令劉朝聚蔣班兒將楊王氏等帶在湖廣轉賣適有湖南龍陽人曾大順貿易回楚路過該處蔣班兒卽將楊王氏賣與曾大順爲

妻得價銀十六兩其黃蔡氏等五口卽攜帶附搭曾大順之船赴楚旋經該州訪聞親率差役拿獲張金屏何萬榮鄒老五劉朝卿彭正朝等五犯並將劉朝聚蔣班兒及曾大順船內所載婦女黃蔡氏等一併追獲其何濟川於四月間赴李渡鎮趕集會遇素識之廖上仕廖固仕朱貴何麻子劉老么五人彼此談及無業營生起

意興販隨邀廖上仕等幫同收買婦女許以獲
利分用廖上仕等應允隨在附近一帶收買劉
氏蔣謝氏吳余氏楊吳氏羅汪氏蘇女舒女袁
女八口每口用價錢自六七千十餘千不等嗣
何濟川將劉氏賣給過客盧文寬爲妻得錢十
二千袁女賣給過客鄭學儒爲使女得錢十五
千尙存蔣謝氏等六名口未賣六月間該州訪

拿嚴緊何濟川卽令廖上仕朱貴將蔣謝氏等帶往湖廣轉賣遂雇船戶楊慶雲船隻裝載正欲開行經該州差役盤獲送案先後究出各犯與廖固棟案內夥犯蔣五十樊超海一併查拿到案錄供稟報前來臣卽飭令該州李忻帶犯來夔札委鄭成基方續督同李忻併案審辦茲據該道府等審明定擬前來臣提犯覆鞠無異

查例載與販婦人女子轉賣與他人爲奴婢者
照畧賣良人奴婢律杖一百流三千里若轉賣
與他人爲妻妾子孫亦照畧賣良人爲妻妾子
孫律杖一百徒三年等語茲廖固棟何濟川張
金屏三犯乘川省教匪滋事之際婦女價賤輒
起意與販多人轉售圖利實屬不法若照畧賣
良人爲妻妾子孫律罪止杖徒卽照畧賣良人

爲奴婢律亦止滿流均不足以示懲儆所有廖
固棟張金屏何濟川三犯均應請照與販擬流
本例上從重改爲發往黑龍江等處給披甲兵
丁爲奴邵忠恕劉大舉蔣五十樊超海何萬榮
鄒老五蔣班兒劉朝聚劉朝卿彭正朝廖上仕
廖固仕朱貴何麻子劉老么等十五犯聽從與
販獲利分肥應請照爲從減一等例杖一百徒

三年仍從重先在犯事地方枷號半年滿日發
配曾大順娶買楊王氏爲妻雖無不合但知劉
朝聚蔣班兒等攜帶婦女赴楚販賣輒敢容留
附舟同行咎有應得應照不應重律杖八十再
加枷號三個月滿日責放船戶楊進楊慶雲知
情受雇亦均請照不應重律杖八十折責三十
板發落各婦女送回原籍查明有家可歸者飭

令歸家無家可歸者責令殷實之戶婚配撫養
以免失所再臣近准經畧額勒登保來咨陝省

所有川楚鄉勇現在查明分起裁撤並派陝安

道朱勳親至寧羌一帶料理臣得信後卽飛委

川北道李鈇督同保寧府知府言朝標廣元縣

知縣葉文馥馳赴川陝交界地方點驗接收卽

查明各勇原籍州縣分別咨送臣仍通飭各州

縣俟該勇等到籍時確切查明其有業可歸者
卽飭令回家安業如無業者或留充夫役或送
入行伍務令不失其公所亦免遊蕩無歸現據李
鉉等具報已在廣三首站收到陝省遞回鄉勇
每起少者三四十人多者百餘人共收過四百
餘名俱隨時給發口糧分送各回原籍內中有
籍隸貴州者三十六人亦經按站咨送前進

臣

已飛咨黔省查照按收維時各起鄉勇到時查

核陝省原單間有極少不齊或係該勇等行走

落後或患事故

臣

一况已據報飛咨陝省查核辦

理仍飭該道府等將實收數目報明

臣

處查核

至川省各處防勇

臣

已節次陸續裁撤所存無

幾惟征勇一項統計不過五千餘人此時尚在

各路隨征

臣

現已派委遊擊王泰和知縣李心

澄前赴各路軍營逐一查明籍貫及原籍有無
產業親屬情愿入營與否造具清冊一俟查點
明白再行詳核辦理

臣節次欽奉

聖訓將來辦理此事總期在官兵未撤以前全行安
頓妥協斷不敢草率從事稍貽後慮奏入

上命軍機大臣傳諭勒保曰此次巴巫雲開一帶零
匪經官兵分路搜剿共計殲擒二百餘名將次掃

除淨盡其營渠等處賊匪不過四百餘人又由陝
竄入之苟逆餘匪亦不過二百餘人現經達斯呼
爾岱田朝貴等分兵剿辦無難立時肅淨惟大寧
邊界與楚境接壤尤須嚴密防堵提督豐紳既已
帶兵抵蕤應飭令其赴彼駐劄認真守禦以專責
成並可騰出達勒精阿等原防兵力以資剿捕勒
保務督飭各路鎮將等將此二股賊匪迅速辦完

俟川境肅清楚省更無闖入之賊勒保卽用紅裏
黃面奏摺先由六百里加緊馳遞以慰廑注亦不
可意存迎合急於完事或又草率又據奏拿獲興
販婦女之奸徒審明辦理一節此事前經朕風聞
川省棍徒搶掠婦女載往湖北販賣諭令密訪會
經勒保具奏查辦情形現在涪州民人廖固棟等
又有收販婦女之事可見此等棍徒所在皆有地

方官自應隨時懲辦以儆刁頑若必候朕降旨飭查始行辦及安用地方官爲耶再據奏查辦鄉勇一節勒保將陝省遞回鄉勇派員賫送並將川省隨征鄉勇先行查明籍貫及有無產業並情願入伍與否造冊核辦總於官兵未撤以前全行安頓妥協最爲得要但具奏未免稍遲勒保惟當督飭道府各員妥協經理可也

二十一日

巳丑

額勒登保德楞泰吳熊光奏言竊

臣額勒登保於初五日發摺後在興安將各兵

勇衣履稍爲添補正擬整隊起行初六日接據

探報有賊匪五六百人驟馬百餘匹由楚甯入

洵白境內查該處西北由黃洋河可出郡城正

西可出平利西南可出白土關隨飭各兵勇四

更起行

臣

帶領扎克塔爾并馬步兵勇由黃洋

河紙坊河迎擊扼截該匪竄出平利之路初七日申刻進抵新鋪灣據前探回報該匪昨夜已竄至四溝埡早間仍由水田河一帶向東折遁等語遂派令副將張廷楷遊擊王兆龍分帶兵勇由水田河龍王廟追躡臣卽率同扎克塔爾取道白土關進發連次穆克登布前來迎晤據稱穆克登布在大坪防剿因探聞賊匪竄近已

飭派喜明闊俊烈帶領兵勇由董家梁迎剿並
聞總兵孫清元副都統銜富翰副將呢瑪善分
帶官兵由二竹一帶尾追而來該匪探有官兵
已由大神河向東折竄但是何股匪因未得有
生獲之犯尙未探確各等情臣查此股竄匪不
過五六百人現派有喜明張廷楷兩路官兵扼
截仍酌留穆克登布暫駐白土關督率緊顧西

面臣卽於初九日由關埡入楚至竹谿之中峯

觀臣吳熊光由房縣前來晤商一切卽由竹谿

移赴秦家坪迎頭東應臣德楞泰將熊翠熊方

青股匪在謝家坪白河口疊次痛剿之後該匪

所餘不過五六百人已極狼狽由白河灘胡溪

向東北狂奔臣商令賽冲阿富信德蒲尙佐等

帶領馬步兵勇二十餘名跟蹤緊追務窮所向

臣

督同溫春色爾滾馬瑜等帶領大兵由渣魚河抄截連日途次據前敵探報該匪知有大兵追躡亡命奔竄刻不停留沿途逃出者甚多已由大旺溝火燒坪竄入竹谿地界賽冲阿鼓勵兵勇漏夜追逐詎該匪連夜竄走於初八日由吳家灣魯家壩梭子溝有趨白河界內之勢賽冲阿已帶兵由秦家坪取道抄截

臣

由寶豐接

續而來於十一日趕抵

臣

額勒登保軍營當卽

會同

臣

吳熊光將楚省情形通盤籌畫所有應

辦事宜已另摺奏

聞在案並據總兵孫清元稟報連日帶領兵勇由七里關等處兼程前進探剿竄往金河一帶賊匪初九日營次王家坪據後探報稱另有三四百人由吳家灣梭子溝竄來有趨梓木樹坪之勢

孫清元卽催兵倍道兼馳申刻趕抵梓木樹壩
遙見賊匪三百餘人已由柳樹坪直趨而下孫
清元當令總管托爾托保協領武成額副將朱
士奉等帶領馬隊趕往迎擊復派叅將烏勒喜
納遊擊姜元祥都司郭朝鳴等分帶兵勇由左
右抄截該匪等見官兵分路趕來並不抵拒均
情急捨命狂奔經官兵追殺二十餘里沿途鎗

擊箭射殲斃五十餘名生擒男婦三十二名時
已昏暮該匪由武家坡連夜竄逸共計奪獲賊
旗八桿長矛一百二十餘件騾馬二十餘匹當

卽分賞兵勇並將生獲各犯解送來營

臣

等隨

訊據湯士貴等供稱我們係頭目熊翠帶領前
往歸巴一帶老林出來連次被官兵剿殺傷的
人很多適一日走白河口到竹谿地方又走吳家

灣梭子溝翻梓木樹壩要想往白河地方弄喫
的不想又遇官兵迎頭殺來等供當飭將從逆
日久之夏國俸等十八名正法新近被裹者十
四名釋放仍飭孫清元務須乘此賊匪窮蹙之
時趕緊殲洗卽報掃除總兵吉林泰李天林一
路連日由長峯堆子順水溪探剿初八日師抵
茅坪探報賊匪在背夾子溝學堂溝屯紮相距

我兵不遠當令二更進發初九日黎明趕至背
夾子溝詎該匪已於五更起竄隨即趕過學堂
溝至百吉坪追及賊尾我兵奮力趕殺該匪卽
分兩股一由朱家溝一由坪渡河逃竄李天林
當督步隊兵勇由朱家溝追殺吉林泰率領侍
衛馬隊官兵由坪渡河追殺兩路競進計殺斃
賊匪八九十名生擒七十八名該匪捨命竄入

老林逃遁天晚暫息查訊獲賊有先鋒張有相
大旗手楊正年二名據該犯等供稱我們係戴
家營老掌櫃戴四帶領元帥是崔宗和胡明遠
並各處林內湊合打散零匪共六七百人總在
各處老山逃避等語因道遠未便解送逐加審
訊均係從逆日久法無可貸之犯當將張有相
楊正年一併分別凌遲正法訖隨探該匪連夜

由上龕向羊岔河狂竄吉林泰李天林已帶兵
緊躡趕剿各等情稟報前來查刻下楚省賊匪
熊翠熊方青戴四崔胡以及王姓鐵姓各餘匪
並各處老山分匿之賊約計不過二千餘人總
在各處分股狂奔以冀延喘臣等現已會合惟
有督率各路官兵趕緊分投剿辦並據穆克登
布報稱接遊擊洪得稟報初四日有零匪一股

白川境小溝竄至小漳河老林洪得當派兵入
林搜剿進至黃栢棚正遇該匪竄來當卽迎擊
殲賊數名該匪仍折由光頭山竄入川境現飭
令該遊擊仍行嚴密探訪刻下賊匪均在二竹
洵白陝楚邊界臣等總期共矢和衷早靖餘匪
速報厥功臣吳熊光於發摺後卽起程仍回房
縣督運糧餉並分派道府督飭委員查辦寨勇

搜捕招撫並查驗傷病官兵事宜再臣額勒登

保與臣吳熊光面晤將楚省現在情形詳悉詢

明臣隨移赴秦家坪值臣德楞泰抵臣軍營會

晤之下復將楚省情形通盤籌畫悉心商酌查

楚省賊匪無多現有臣等兩路勁兵分投趕剿

再經一兩次痛剿之後大局即可全行戡定以

次凱撤惟搜捕三五爲羣之零匪必須本省官

兵與地方素勇協力辦理庶可早報肅清是新
設營制事宜尤應先爲趕辦楚省添設襄陽提
督移駐穀城前經具奏蒙

聖明俞允所有遴選營員分設營汛添募新兵整飭
訓練各事均須提督勵精趕辦方可計日觀成
長齡因帶兵趕剿雖經辦理尙未能一律舉行
近因積勞之後舊病復發實難照料昨經據實

奏

聞在案臣等查看長齡病體即使加意調養亦非兩

三月所能痊愈應即令其前赴襄陽安心調理

以期痊愈所有湖北提督現關緊要必須精明

諳練之員方足以資整頓臣等於兩省總兵中

逐加揀選查有湖南鎮守總兵富志那年富

力強精明練達熟悉營務於辦理新設營制事

宜堪以勝任_臣等再四籌酌提督事務實關萬

緊是以不揣冒昧現擬札調該總兵前來署理

但鎮守鎮總兵亦係苗疆要缺查有乾州協副

將阿林布人在苗疆邊氓悅服可以署理_臣等

亦札行該副將遵照接署以便富志那迅速起

程前來署理提篆該二員係_臣等出師湖南時

素所深知今爲整飭營務起見謹據實奏請

聖鑒伏乞

皇上訓示祇遵至楚省寨堡因沿邊一帶客民居多年來均已移徙且深山遠谷民力拮据未能合

結寨堡如川陝之一律整齊自上年

臣

吳熊光

接辦以來督飭勸諭始漸形周密並分派委員督率寨勇協同官兵搜捕惟尙未派有大員統率是以不能踴躍從事

臣

等現已商定查明川

陝章程酌派道府大員分段督率以專責成並
明立勸懲俾知觀感期於搜捕零匪更爲有益
再刻下賊匪日剿日少一兵如得一兵之用更
可收實效而賊功迅速現在從征東三省官兵
並廣東廣西各省兵丁中因傷病寄留各州縣
調養者經_臣吳熊光查明已有五百餘員名之
多_臣等現又通行各路將隨征官兵並各州縣

寄留者逐一查明如不能得力卽行挑出歸集
襄陽房縣二處派令滿漢官員前往確切點驗
按省分起先行撤回並將備中有年老患病不
能勝任者查明勒休遣回分別奏請辦理務使
人人精銳以重師旅而節盤糧又查自鄖白交
界之天河口起至光化縣之老河口止一帶江
岸均係楚省地方從前因賊匪紛擾恐其竄越

江北向係豫省兵勇共六千餘名分爲八段設
卡防守已經數年之久現係河南藩司方維甸
駐紮督率查該處已屬漢江下游江面寬濶卽
冬令水涸之時亦非船莫渡刻下賊匪窮蹙敗
殘亦斷不能竄擾應請將此項防江豫省兵勇
酌量裁撤如蒙

俞允俟

命下之日

臣

等卽行知方維甸將土著鄉勇查明籍

貫照

臣

奏定章程先行撤令歸農約計鄉勇以

次撤遣須得旬月爲期迺時賊匪更屬無幾卽

將官兵全數撤回江岸當可不致疎虞亦且樽

節糜費現又札知河南撫臣馬慧裕查明豫省

邊界現在有無鎮將帶兵防堵俟查覆至日月

行酌辦奏入

上命軍機大臣傳諭額勒登保德楞泰吳熊光曰此
次熊戴崔胡股匪經孫清元吉林泰李天林等帶
兵追剿均有斬獲賊勢日益窮蹙現在楚省各股
零匪統計不過二千餘人額勒登保現又到楚與
德楞泰吳熊光會合更可面籌剿辦務趁此氣候
未寒之時督率將弁分路搜擒如熊翠熊方青戴
四崔宗和胡明遠五逆概行殲戮其股內零匪所

剩不過百數人卽可馳奏大喜黃摺卽五逆內或
有一二逆隻身逃竄而其殘敗夥匪實已散竄不
能復合成股亦可卽用黃摺奏捷倘統計楚境零
匪尙或盈千斷不可稍存迎合草率歲事此時已
將屆冬令額勒登保等務須上緊督剿剋日奏功
不可稍有遲延轉瞬天寒冰雪凜滑追捕又難爲
力勉之望之至摺內稱額勒登保途次白土關因

聞有賊匪竄近該處卽留穆克登布暫駐督率顧
住西面等語所辦甚是昨據陸有仁奏陝省平利
一帶防堵稍虛請令將穆克登布暫留該處已降
旨諭知額勒登保如額勒登保尙未帶往楚省卽
留陝境今額勒登保所見正與昨旨相合穆克登
布於平利一帶路徑情形素爲熟悉所有該處防
堵事宜竟責成穆克登布專心辦理遇有楚匪竄

近卽奮力迎剿毋使一名闖入爲要又據奏會籌
應辦事宜一節楚省現有新設營制事宜須提督
經理長齡現旣患病不能料理已明降諭旨令其
回京其湖北提督員缺已令慶成署理矣至所奏
現在通行各路將東三省及廣東廣西兵丁先行
撤回等語所辦甚是現在大功將次告竣所有遠
省調派兵丁從征日久自應令其早歸原伍竟毋

庸逐一查驗此內傷病未愈者固應撤回卽有調
養已愈者亦不必再留楚省所有東三省廣東廣
西兵丁著額勒登保等卽行派員帶回歸伍至所
奏請將豫省防江兵勇裁撤一節現在楚省賊勢
窮蹙漢江一帶不致再有竄擾其防江兵勇自應
裁撤前已有旨令馬慧裕於田永稠常林二人內
派令一人帶兵移至江岸再將鄉勇以次裁撤並

令方維甸回省辦事馬慧裕接奉諭旨後自己遵
照辦理矣

同日

上諭內閣曰額勒登保等奏湖北提督長齡現在患
病不能帶兵請令赴襄調理一摺長齡係軍機處
章京出身向未更歷外任自派往湖北省帶兵以
來打仗殺賊尙能奮勉出力是以擢用提督今既

患病未能卽痊者加恩准其解任緩程回京調治
俟病痊後另候簡用至湖北提督事務現據額勒
登保等奏請以總兵富志那暫署並派副將阿林
布暫署鎮守鎮事務等語富志那本任係苗疆要
缺未便令其久署他任所有湖北提督員缺著慶
成署理慶成現已回京補行穿孝後卽著赴湖北
新任俟服闋時再行實授富志那於慶成到任後

仍回鎮守鎮阿林布侯富志那到後回副將本任